

Filozofski fakultet Univerziteta u Tuzli u saradnji s Misijom OSCE-a u BiH organizuje

**DEVETU REGIONALNU NAUČNU KONFERENCIJU
VJERODOSTOJNOST MEDIJA:
BORBA PROTIV LAŽNIH VIJESTI**

Filozofski fakultet, Tuzla, 2. i 3. novembar 2018.

Konferencija *Vjerodostojnost medija* održava se kontinuirano od 2010. godine. U okviru dosadašnjih konferencija koje su održane u Zagrebu, Beogradu, Sarajevu, Dubrovniku i Mostaru otvorena su relevantna pitanja iz oblasti kredibiliteta medija i novinarstva, provedene su kvalitetne studije u ovoj oblasti, objavljeni su konferencijski zbornici i unaprijeđena saradnja medijskih istraživača u regionu. Na osnovu rezultata recentnih teorijskih i empirijskih istraživanja učesnici konferencije doprinose boljem razumijevanju savremenih medijskih fenomena nudeći preporuke i inicijative za poboljšanje kvaliteta novinarstva.

Tema ovogodišnje konferencije je *Borba protiv lažnih vijesti*. Neproverene vijesti i dezinformacije koje se brzo šire društvenim mrežama, kao i drugim online platformama ozbiljno ugrožavaju već narušeni kredibilitet novinarstva. Broj nevjerodostojnih web portala i neproverenih vijesti se brzo povećava. Pojedinci i grupe vide način za laku zaradu u širenju dezinformacija kojima će privući veliki broj klikova na atraktivan (često fiktivan sadržaj), a neki su zlonamjerno usmjereni na diskreditovanje pojedinaca, grupa, organizacija i institucija. Istovremeno, građani kao korisnici vijesti često nisu u stanju razlikovati nevjerodostojne od vjerodostojnih vijesti, dijelom zbog neodgovarajućih medijskih kompetencija, dijelom zbog površnog pristupa vijestima. Ovo ostavlja velike mogućnosti za manipulisanje javnim mnijenjem, a samim tim aktuelizuje i pitanje kvaliteta informacija kao jednog od uslova funkcionalnog demokratskog društva. Iako su medijska industrija i javne institucije u svijetu počeli realizovati projekte borbe protiv dezinformacija, pojedinci i grupe koje proizvode lažne vijesti koriste sve sofisticiranije taktike zbog čega je potrebno razviti dugoročnu strategiju i mehanizme za zaštitu kredibiliteta novinarstva u digitalnom dobu. Takva strategija zahtijeva sinergiju medija, javnih institucija, organizacija civilnog društva i kompanija.

Ciljevi konferencije su sljedeći:

- doprinijeti razvoju instrumenata za identifikaciju lažnih vijesti
- stvoriti mehanizme za borbu protiv širenja lažnih vijesti
- predstaviti prethodna iskustva i aktivnosti u borbi protiv dezinformacija i
- predložiti rješenja za zaštitu kredibiliteta novinarstva

Pozivamo naučnike/ice, istraživače/ice, stručnjake/inje i doktorande/ice da prijave učestvovanje i izlaganje o temama koje su u skladu s temom i ciljevima konferencije:

- Evropska medijska politika u oblasti zaštite vjerodostojnosti vijesti
- Strategije i taktike unapređenja kvaliteta novinarstva u digitalnoj eri
- Vjerodostojnost online vs. offline vijesti
- Kriteriji vrijednosti vijesti u digitalnom dobu
- Platforme i instrumenti za detektovanje lažnih informacija
- Utjecaj društvenih medija, mreža i *influsera* na novinarstvo
- Građanski aktivizam u borbi protiv dezinformacija

Apstrakti radova:

Struktura apstrakta: ime i prezime, zvanje i adresa (pošta, e-mail, telefon) autora; naslov rada; ključnih pet do šest riječi; sadržaj apstrakta (300-500 riječi).

Adresa za upite, prijave i dostavljanje apstrakata: vjerodostojnostmedija2018@gmail.com

Rok za dostavu apstrakata: 1. oktobar 2018.

Obavještenje o rezultatima izbora apstrakata radova koji će biti prezentovati na konferenciji: **10. oktobra 2018.**

Program konferencije: 15. oktobra 2018.

Organizacijski detalji:

- učesnici konferencije ne plaćaju kotizaciju
- organizator će izlagačima osigurati hotelski smještaj
- organizator će izlagačima osigurati ishranu
- učesnici snose troškove puta

Zbornik radova:

Recenzirani radovi s konferencije bit će objavljeni u zborniku u junu 2019. godine. Radovi trebaju biti pisani latinicom, na bosanskom, hrvatskom, srpskom, crnogorskom ili engleskom jeziku. Maksimalan obim rada je 6000 riječi (Font Times New Roman, 12 pt, 1,5 prored). Rezime rada može sadržavati do 150 riječi s popisom ključnih riječi (maksimalno šest). Detaljne upute o stilu referiranja i citiranja bit će naknadno objavljene.

Rok za dostavljanje finalnih radova za objavljivanje u zborniku: **1. februar 2019.**

Važni datumi:

Rok za dostavljanje apstrakata: 1. oktobar 2018.

Obavještenje o rezultatima izbora apstrakata radova: 10. oktobar 2018.

Program konferencije: 15. oktobar 2018.

Konferencija: 2.-3. novembar 2018.

Rok za dostavljanje finalnih radova: 1. februar 2019.

Obavještenje o rezultatima recenziranja: 1. april 2019.

Izdavanje Zbornika odabranih radova: juni 2019.

Konferenciju će finansijski podržati Misija OSCE-a u BiH.